



Bosnia and Herzegovina  
AGENCY FOR STATISTICS  
OF BOSNIA AND  
HERZEGOVINA

Broj: JN1-16-4-45-10/17  
Sarajevo, 18.12.2017. god.

Na osnovu člana 64. člana 70 i člana 88. Zakona o javnim nabavkama BiH («Službeni glasnik BiH» broj 39/14) i Preporuke Komisije za javne nabavke broj Broj :JN1-16-4-45-9/17 od 18.12.2017. god. direktor Agencije za statistiku BiH donosi:

**ODLUKU**  
**o izboru najuspješnijeg ponuđača**

Ugovorni organ - Agencija za statistiku BiH- prihvata Preporuku Komisije broj: JN1-16-4-45-9/17 od 18.12.2017. god. za izbor najpovoljnije ponude za nabavku usluge: **Razvoj softverskog rješenja za izračunavanje harmoniziranog indeksa potrošačkih cijena (CPI/HICP)**. JRJN 72210000-0., za potrebe Agencije za statistiku BiH, koja se provodi u skladu sa članom 88. Zakona o javnim nabavkama a po odluci za nabavku predmetne robe broj: Broj :JN1-16-4-45-1/17 od 10.11.2017. godine, te je kao najuspješniji ponuđač izabrana firma „Poslovna inteligencija“ d.o.o. Sarajevo jer je ponudio najnižu (ukupnu) cijenu ponude u visini od: 57.208,03 KM sa PDV-om.

**Obrazloženje**

Agencije za statistiku BiH je objavila Obavještenje o nabavci, na portalu Agencije za javne nabavke (11-7-1-12-17/17), za nabavku usluge: **Razvoj softverskog rješenja za izračunavanje harmoniziranog indeksa potrošačkih cijena (CPI/HICP)**. JRJN 72210000-0 za potrebe Agencije za statistiku BiH, koja se provodi u skladu sa članom 88. Zakona o javnim nabavkama.

Na gore navedeni poziv prijavilo se dva (2) ponuđač i to:

1. „Poslovna inteligencija“ d.o.o. Sarajevo sa ponuđenom cijenom u iznosu od 57.208,03 KM sa PDV-om.
2. Grupe ponuđača :“Teneo“ d.o.o. Sarajevo „Infodom“ d.o.o. Sarajevo sa ponuđenom cijenom u iznosu od 46.203,30 KM sa PDV-om.

Komisija je konstatovala ispravnost ponuda ponuđača za predmetnu nabavku u formalnom smislu tj. (ponuda dostavljena na vrijeme, pravilno upakovana, sa čvrstim uvezom) što je konstatovano na samom otvaranju ponude. Na sastanku 15.12.2017. godine konstatovano da ponuda grupe ponuđača :“Teneo“ d.o.o. Sarajevo „Infodom“ d.o.o. Sarajevo neispunjava kvalifikacione uslove tj da nisu dostavile sva tražena dokumenta u skladu sa zahtjevima iz tačke 3. TD.

Komisija je zauzela stav da grupa ponuđača:“Teneo“ d.o.o. Sarajevo „Infodom“ d.o.o. Sarajevo u svoju ponudu nije dostavila u skladu sa traženim uslovima i da istu ne uzmu u dalje razmatranje tj. da ponuda broj PN-05/17 od 15.12.2017 godine se odbaci kao neprihvatljiva.

Komisija svoju odluku obrazlaže na sledeći način.

INFORMACIONI SISTEM ZA PODRŠKU PROCESIMA PRIKUPLJANJA I OBRADU POTROŠAČKIH CIJENA (CPI I HICP) ima za cilj omogućiti nesmetano prikupljanje potrošačkih cijena putem tablet uređaja, skladištenje u centralnu bazu u realnom vremenu, izračun indeksa i inflacije iz Harmonised Index of Consumer Prices (HICP) u skladu sa propisanom metodologijom od strane Eurostat-a.

Agencija za statistiku, je sa ciljem utvrđivanja tehničke i profesionalne sposobnosti iz tražene oblasti postavila uslov u vidu referenci:

3.1.6. Tehničku i profesionalnu sposobnost u skladu sa čl. 48-51 ZJN-a ponuđač/kandidat dokazuje:

I) **dostavljanjem spiska izvršenih ugovora, min tri(3) koji su u vezi sa predmetnom nabavkom za period ne duži od tri godine.** Ugovori se moraju odnositi na izradu informacionog sistema za upravljanje i obradu podataka (Data warehouse, Business intelligence i Data mining) uz korištenje tehnologija traženih u tehničkoj specifikaciji (Microsoft .NET i MS SQL Server). Prihvatljive su reference projekata u organizacijama koje su proizvođači oficijelne statistike.

II) vrijednost jednog od traženih ugovora mora biti jednaka ili veća od iznosa procijenjene vrijednosti ove nabavke. Procijenjena vrijednost je 49.500,00 KM bez PDV-a.

Grupa ponuđača, Teneo d.o.o. Sarajevo i Infodom d.o.o. Sarajevo je dostavila listu sa tri projekta i kratke opise istih. Detaljnim uvidom u dostavljenu dokumentaciju, Komisija je konstatovala da navedeni projekti nisu realizovani u organizacijama koje su proizvođači oficijelne ili zvanične statistike kao i da u ponudi nisu navedene tehnologije korištene za realizaciju referentnih projekata.

Zaključak Komisije je da navedeni projekti ne zadovoljavaju postavljene uslove i nisu prihvatljivi kao tražene reference.

Agenciji za statistiku BiH je potreban partner sa iskustvom u oblasti obrade i izračuna oficijelnih statističkih podataka što podrazumijeva poznavanje statističkih konvencija, statističkih procedura kao što su "Seasonal adjustment", "Backcasting", "Quality Adjustment", sdmx standarda, pravilne upotrebe hijerarhijskih klasifikacija (za CPI i HICP, Classification of Individual Consumption by Purpose - COICOP) i sistema ponderiranja (za CPI i HICP potrošnja, upotreba podataka iz drugih istraživanja za određivanje težine učešća), poznavanje GSBPM modela, rješavanje problema cjelobrojnih totala zbog operacija sa velikim brojem cifara iza decimalnog zareza, što nisu izazovi u navedenim projektima.

Komisija je uvidom u ponudu br.BHS- 10/17 od 12.12.2017. godine ponuđača „Poslovna inteligencija“ d.o.o. Sarajevo konstatovala da ista ispunjava tražene uslove i da je prihvatljiva. Komisija za nabavku predlaže prihvatanje ponude br.BHS- 10/17 od 12.12.2017. godine ponuđača „Poslovna inteligencija“ d.o.o. Sarajevo ponuđene cijene u iznosu 57.208,03 KM sa PDV-om i daje preporuku ugovornom organu da se u skladu sa članom 70. ZJN donese odluka o izboru najpovoljnijeg ponuđača.

Analizirajući ponudu u skladu sa članom 64. i 65. ZJN i postavljenim kriterijima u tenderskoj dokumentaciji (TD) za predmetnu nabavku Komisija imenovana za ovu nabavku usluge: **Razvoj softverskog rješenja za izračunavanje harmoniziranog indeksa potrošačkih cijena (CPI/HICP)**, odlučila je da da preporuku, direktoru Agencije za statistiku BiH, da se prihvati ponuda BHS- 10/17 od 12.12.2017. godine ponuđača „Poslovna inteligencija“ d.o.o. Sarajevo jer je ponudio prihvatljivu cijenu za predmetnu nabavku u iznosu: 57.208,03 KM sa PDV-om

S obzirom da je ponuda "Poslovna inteligencija" Sarajevo ocijenjena kao prihvatljiva i sa najnižom cijenom (što je bio kriterij za dodjelu ugovora) komisija za predmetnu nabavku predlaže prihvatanje iste i predlaže da se u skladu sa članom 70. ZJN donese odluka o izboru najpovoljnijeg ponuđača.

Komisija je posebnim aktom tj. Preporukom broj JN1-16-4-45-9/17 od 18.12.2017. god. predložila direktoru zaključenje ugovora sa ponuđačem "Poslovna inteligencija" d.o.o. Sarajevo. Preporuka je donesena nakon razmatranja i ocjene navedene ponude ponuđača broj BHS- 10/17 od 12.12.2017. godine koja ispunjava uslove tražene u TD, o čemu je sačinjen poseban akt – Zapisnik sa sastanka komisije broj JN1-16-4-45-8/17 od 15.12.2017. god.

Ugovorni organ će sa izabranim ponuđačem (po pravosnažnosti ove odluke) zaključiti ugovor u kojem će se precizirati uslovi i vrijeme realizacije ponude izabranog ponuđača. Ugovorni organ takođe konstatuje da prije potpisivanja predmetnog ugovora izabrani ponuđač je dužan dostaviti traženu dokumentaciju iz tenderske dokumentacije u roku od 10 dana od dana prijema obavještenja o izboru najpovoljnijeg ponuđača, u skladu sa članom 45. ZJN jer istu nije dostavio uz ponudu.

Ova odluka objaviće se na web- stranici Agencije za statistiku BiH u skladu sa članom 70. ZJN.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN.

**Pouka o pravnom lijeku:** Protiv ove Odluke o izboru najpovoljnijeg ponuđača može se izjaviti žalbu u roku od 5 (pet) dana od dana prijema. Žalba se podnosi ugovornom organu. Agencija za statistiku BiH Zelenih beretki 26 71 000 Sarajevo.

Direktor  
Mr. sc. Velimir Jukić

Dostaviti: - Ponuđačima  
- a/a